

空同诗集

空同詩集

空同詩集卷之九

明北郡李夢陽撰

五言古

贈四子

九子詠九首

贈姚員外二首

別諸生漢口

贈張含二首

送張含還金齒

酬提學陝西朱君以巡歷諸什見寄

襄陽篇奉寄同知李公

送裴生京師

內弟玉園庄歸

送張六還京口

右次贈答二十一首

自南康往廣信完卷述懷十首

廣獄成還南昌候了十首

右次紀懷二十首

內弟左國玉挽歌

改營外舅大夫園域

熊御史卓墓感述

徐子墓

溫太真墓

澹臺滅明墓

孺子墓夏謁

右次悲悼七首

孔廟松

犬詩二首

詠信州茗和鄭子

詠鷺

白霧樹纍纍作花

右次詠物六首

五言古四

贈答

贈四子

縣縣遠道積冉冉歲華晏冰霜夕轉嚴星斗夜仍爛蘭釭
照寒戶旅士懷鄉縣方幸厠鱗翻詎謂各分散岐路忽在
茲山川復悠緬王子萬人特英論薄煙漢康生千里足邁
景速流電瑰瑋欽奉常秀朗推中翰冲標汎光蕙逸思凌

玄鴈所嗟異根株逝矣悲霜霰每言念睽晤佳期阻驩宴

九子詠九首

九子者皆天下賢豪人今乃合余於孟氏之堂祖行也慕義傷離悵然有感於前遊作九子詠

劉戶部遠夫

大謨

遠夫振英駕乃自儀封里孟復旣鷹奮秉衡亦飈起獻賦擬揚雄彈鋏笑馮子時異各睽隔蓬轉自茲始

王戶部邃伯

綰

矯矯王邃伯深心託玄素豈謂萬里空見此天馬步獨行
迂流議苦志涉煩務曰余驚鈍姿倘辱導前路

王職方錦夫

尙綱

職方昔垂髫邂逅在梁汝遊關匪豹隱攀邵遂鷺翥鴻詞
振宛洛一一中音呂訪戴諒不惜縱臆非所許

穆檢討伯潛

孔暉

清廟播芳歎朱鷺激潛調沈冥會詮理刻苦光逾耀注易
在今茲醴酒企餘照載吟古離詠蹇拙慚賡紹

馬給事中敬臣

卿

敬臣閨闈彥處世恒自拘朝謁金馬門暮向青瑣趨朝隱
慕方朔修辭劇相如太阿不在掌非君獨嗟吁

陶行人良伯

驥

陶子三泖英妙小富篇翰至響本無聲隱璞疇能辨運甓
不云苦漉酒聊自玩解龜幸心許傾葢荷清讌

馬進士君卿

錄

君卿素所昧密意宛相向醉酒似馬周讀書薄劉向時人
固不識古志益骯髒試覩同遊子礧礧盡英行

戴進士仲鵬

冠

南州實才窟小戴亦橫鶩探鏤乃叨竊對孔豈在屢左右
佩采薺追趨信陽步傾城在夙昔贈我陸機賦

孟行人望之

洋

孟生瑚璉器英邁徵古篇登泰夙所期望洋豈徒然欽趨

睽顏後抗志恥盧先吾方把任釣倘借襄陽編

贈姚員外

高鳥厭羣飛孤雲恒自輝綢繆誠靡乖何必久要期傾蓋
有芳訊白首則見疑嶄嶄龍沙濱風波暫徘徊

其二

零濛不澤物衝風夕曾波送歸念維楫眇言望江河鴻逝
摩九天蕭艾被泉阿長濤蝕孤嶼峙此將如何

別諸生漢口

大江流浩浩五日與子期風潮變旦暮六日達漢湄人心
重攸愛酬德視其施伊茲匪不幸所急非睽離晨颺望我

帆夕也宿共涯浮月每皓皓逆雲遞透迤情淵分有窮愴
子當分乖昔爲同池萍今向東西開大別峙鬼鬼林蟬暮
何哀俛首前逝波倚艫各徘徊

贈張含

已嚴蓬池駕遽返夷門歇商風動榮草簷雨鳴不絕客病
良易積况值變華節悠悠城西館倏爾雙經月昔至體流
汗莎雞傍戶聒子也苟甯志川廣豈難越

其二

流光逝忽忽天地一何軋六月子來至月也今已八客子
悲遠道時氣侵肅殺豈不念爾單室邇泥路滑三日雨賡

歌一日一通札寂軒倚衰柳奈此夕鳴蜚父母不下堂歸
軫何時轄

送張含還金齒

百憂強自排感之輒復積亦知別心苦所奈懽愛客迢迢
西南夷歎子此行役出雲懷舊山倦鳥厲歸翮時情苟靡
遭勉合亮奚益還道尙云遠去去加飡食

酬提學陝西朱君以巡歷諸什見寄

煌煌百二宅懷里念前都孰無雍門哀恨役久長途登賦
時有望所苦言辭麤自蒙新什惠披玩忘晨晡踈越發潛
響爛若湍錦舒慙亦作者末欲畫安我愚濶濶回中吟宛

遊秦隴隅清渭韻洊洊南山筆巍如誰云篇目寡已包千
里餘讀既搖我心倘附西飛鳧

襄陽篇奉寄同知李公

晨登大梁城南望襄陽郭漢流趨何急樊山氣參錯樹高
風來集道大惟淹泊投沙理雖迫召賈恩非薄幸且便山
郡聊遊謝羈縛仰攀躡孤岫俯眺聆大壑寒江歛夕霽遠
巖映林薄習池宴山簡英寮敞翠幙偶同攜葛強飛翰凌
觴酌歸聞銅鞮唱行和峴山作覽跡驗物理觸歎徒今昨
沈憂亮無益流坎任所託

送裴生京師

大江積風雨驕陰久我仇懷役念戈殳潢潦憂中疇戚戚
感物慮況子行遠遊鬱哉朝宗心殷勤眺風洲

內弟玉園莊歸

逾年始及村日入復言歸言歸亦何爲景異情難持沙禽
噉噉鳴園林收暮霏暮霏轉急湍春草碧漫漫我行已逾
堤我心念猶攢志往物不隔室遠詎無端誠乏靜者慮郊
野豈徒安

送張六還京口

雲黃風色歇送子逾脩畛野風吹江樹波水清且緊歸舟
本自驚況值順流穩金山會當聚別暫情可忍

紀懷

自南康往廣信完卷述懷十首

越旬不出門所值疑初靚長湖迄華岳融景遞澄秀鼓枻
聿行邁覽物每欣邁飄飄順帆風逶遲歛雲晝鳴鶴矯豐
田文魚駛閑溜有生孰靡適時及異榮疚彼哉吾豈仇乘
運視所受履茲良已快廼餘足云究

其二

迅風會高雲逝逝曷能已朝聳冠劍馳夕暮遭纍繫榮辱
邈何因嘒嘒昧成理溯程莽復闊灘溜于春駛肅肅東驚
帆晨夜不得止仰睇啼柯猿俛傷躍清鯉一言季布召斥

以一言毀從古誰靡然寄語求全子

其三

金闕簡英儒玉書託紀綱絲言一何醅黜佞掄圭璋澄清
有夙懷攬轡誠慨慷聿茲厯三始矢志千載芳風波駭非
意多口亂否臧九閭眇以立欲扣六融傷所司專愛憎威
刑喪厥常彼方聳輕葢甯知嗟道傍

其四

淵雲諒殊性予豈經世傳馳驅二十祀學宦寡諧謀昔斥
還三河誓言永林丘靡堅今咎誰畜志竟莫酬在難歸貽
阻眇焉痍前修陟崇望波嶺翔雲駭西流春羽振桑榆念

之心形仇東徂歎伊始懷哉俾無尤

其五

朝離傍羅浦東至龍潭宿戢柅候明發獨寤守空曲宵晝
有常理欲徃不獲速多慮良攪眠強置復攢觸起立萬動
寂湍響應鳴谷驚風臨岍激高月散春木絮雲吐岑岫玉
繩低以屬慨哉復奚道徘徊至天旭

其六

一氣噫太虛吹萬良不同伊余就幽役春序奄巳中芳辰
下霜雹寒暄乖故風北柯沮靡榮尙林曷由豐臨門翳孤
松悠悠慨初終張儀相六廷虞氏哭途窮首陽乏長薇洛

都鞍馬雄天定俟何時詠言摧深衷

其七

雲和易成霖羲陽一何冥淹哉沮洳區佳日閉我局覆瓦
僅蔽牀頽壁支數櫺淒飈驚中帷電霰時復零入道有常
乖萬殊誰竟甯子期久已徂縱陳孰爲聽當道有豺狼瑣
言訾螟蛉習坎固終利從茲倣無形

其八

靜居百慮屏孤樹廼牆隅奄茲華葉更搔首睇淹如時雲
布靈谷天令震高衢霖潦灌百川萬壑寡安魚東京構黨
禍郭子逝于于伊匪三顧勤孰崛南陽廬涼燠非力排裘